

國
朝
文
錄

紫竹山房文錄引

紫竹山房文集錢塘陳勾山先生著先生以詩文擅名義法本之方朴山而面貌各別大略沉思獨往浩氣孤行雖排偶而有單行之勢深入無際亦曠然無垠蓋舉前賢之樊籬而盡破之者古文亦直抒胃臆絕不依傍古人應制文最患無真氣先生則別有杼軸自在流行紱記鸞發泉流如劍氣珠光不可逼視傳誌則字字鎔鍊筆筆飛騰往往束十數層意於數十百字中如江湖泛漲哽咽不流倒激橫壅仍復滔滔東下視他家之一涉可鑑及一瀉無餘者不可同年語也蓋先生天才亮拔而思力復極沉雄嘗謂凡

我詣乎其絕必以全力赴之寶陳編耗日力咀道妙斷世機而後
可得故以古文爲時文而時文稱絕調卽以其所以爲時文者爲
古文而古文亦稱大家詞科諸公殆蔑有先之者矣今錄其文爲
三卷上高李祖陶撰

紫竹山房文集目錄

卷一

五朝續考輿地門序

平定準噶爾頌并序

聖駕南巡頌謹序

聖駕巡幸天津賦謹序

擬平西露布

王通中論說上

王通中論說中

王通中論說下

廣貞女論

卷二

湖北鄉試錄序

送齊侍郎南歸序

周圖南先生詩集序

趙愚溪時文序

汪積山詩集序

施愚山先生制義序

周雪舫時文序

漳浦西湖蔡氏家譜序

族兄嘉言八十壽序

安順新路記

重修安吉州學記

上尙書孫懿齋先生書

上鄂相國書

卷三

予告資政大夫前任廣西巡撫工部尙書衛公別傳

江蘇巡撫都察院右副都御史王莪園先生傳

蘧士施君舊山別傳

太子少保禮部侍郎徐公行狀

文林郎知楚雄縣事贈通議大夫內閣學士李公墓表

太子太保光祿大夫兵部尙書總督河南河東河道提督軍

務諡愨敬張公神道碑銘

吏部尙書協辦大學士諡文恪劉公墓志銘

光祿大夫都察院左都御史仁和金公墓志銘

中憲大夫知黎平府事晉封中議大夫兩淮都轉鹽運使何

無墨先生墓碑

文林郎知江南黟縣事夏紱先生墓志銘

奉政大夫戶部山西司員外郎前提督四川湖南學政翰林

院檢討陳君復齋墓志

拜鄂文端公墓祭文

祭奉政大夫斂庵李太翁文

紫竹山房文集卷一

錢塘陳兆崙句山著

後學上高李祖陶欽

高安胡如玉醒

五朝續考輿地門序

九州之區域。遠自顓頊。及於陶唐。下歷三代。秦改設郡縣。代有增置。自宋以前。馬氏通考備矣。夾漈鄭氏曰。州縣有時而更。山川千古不易。兗州可移。而濟河之兗州不能移。梁州可遷。而華陽黑水之梁州不能遷。後之爲史者。主於州縣。故州縣移易。而其書遂廢。誠篤論也。馬氏因杜氏通典之舊。以歷代郡國析入九州。立法最

善唯是馬敍千餘年之輿地自宋以前但分列各代之地以縣繫
州彼此不相綴屬非獨以中間割據分裂偏安假號者之朝暮紛
更難以悉考抑亦閼代多而積世久必欲於各條下詳其因廢增
省則一門之卷帙遂至凡閼難容且亦勢有不能也若自宋以迄
元明在五六百年之中而元世祖以前四十餘年又與宋共之遼
金之年則並在南北之世世數既近則自明以前自不得援前者
朱以前爲比且全唐之地宋與遼分有之馬氏之世遼史未出故
沿革祇詳宋地而闕所不知以待後人茲則遼史具在自當與宋
分卷並列以著唐地西北諸州之歸宿豈得詳於宋而略於遼如

馬氏之例耶。金則南承宋而北承遼。爲元明一統之過脈。尤宜詳注。唯然。故諸門可從寧宗嘉泰以還。突起明其爲續。而此則必仍有小小變合馬氏前紀。自宋初始。假若始自宋末。宋則遼具而宋不完。猶之前考之有宋無遼。而唐之舊地。其全不著。藉曰有前考可覆。而首尾離絕。殊煩檢校。則因而棄去者。有之。是豈馬閔未盡以有待後人之意乎。王圻本亦知偏缺之不可。乃其體例。則大書明代郡縣於上。小書繫前代遺蹟於下。是爲一代之皇輿。而不得謂之考。又變九州爲綱之例。而舉各道爲標。是舍古法之最善。以就夾漈所病。易廢之書。而猶謂之續。過矣。今書仍以郡縣析入九州。以冀州之

真定開章與遼遙對。金元明以次相承。使歷朝沿革。釐然在目。其
自元明以下所開荒徼。非禹迹之舊。則類附於所近州之末。庶有
所統。每朝先以總論。皆取諸本史。非由臆斷。後之覽者。或於其勿
猥勿并有所取焉。

異同處言之。劃然可與潛研堂集中續通志總序並讀。

○平定準噶爾頌并序

準噶爾在元時爲別部。瓦剌之後。其先世額參及子託渾。竄處西北。分爲四部。卽杜爾伯特。北厄魯特。諸屬是也。世以強力讐服其旁近小弱。并兼而役。屬焉。用是口久坐大號。爲雄酋。儼然與古匈奴單于等我。

祖宗奮迹東海。奄有華夏。黃鉞所臨。威德並耀。緣邊四十九部。回面向內。悉爲臣僕。而準噶爾獨恃其險遠。倔窮海之間。抗不奉天朝正朔。自國初已然。至噶爾丹貪而好兵。如哈密喀爾喀等。歲無甯居。

聖祖仁皇帝赫然震怒○三駕親征○雖已長鯨暴腮○歸骨武庫○妻孥繫虜○相屬於闕廷而

聖祖如天之仁○特予矜宥○且錫之冠帶○以風示之○孽豎怙惡不悛○竟自屏封賞之外○又數十年

世宗憲皇帝大興六師○務究前緒○於是有青海之功○然卒以勢阻○幽遐地便逸○賊徐議休息○以待其時○蓋自噶爾丹以至策凌○負隅梗化○侈然自若○幾閱百年○此固由我

聖祖

世宗以堯舜之用心○懲漢唐之窮黷○不忍敝關內以事邊功○而亦

惡○木○能○固○其○本○根○桀○犬○各○忠○於○所○主○勢○有○固○然○理○不○可○得○而○奪○也○
聖○上○卽○位○之○十○有○五○六○年○間○四○遠○無○名○之○國○奉○表○受○吏○者○日○至○而○
未○有○已○歲○在○甲○戌○準○噶○爾○部○內○大○亂○其○貴○臣○車○楞○五○巴○什○等○率○其○
屬○戶○及○牛○羊○馬○駝○萬○數○款○關○以○來○天○子○曰○吁○是○篡○弑○相○尊○者○三○世○
矣○達○瓦○齊○酷○暴○尤○甚○其○不○可○赦○卽○日○下○詔○受○降○並○策○所○以○分○道○
進○師○者○時○天○下○承○平○久○士○大○夫○率○不○習○兵○事○兼○徃○於○老○生○羈○縻○之○
說○意○持○兩○端○惶○然○內○疑○又○竊○獨○自○深○念○謂○嚮○者○西○師○之○撤○實○自○
聖○意○決○之○今○茲○決○策○傾○與○昔○異○是○必○洞○鏡○乎○天○人○之○際○有○萬○舉○萬○
當○者○而○此○理○高○深○幽○遠○卒○莫○能○窺○見○萬○一○明○年○二○月○西○北○兩○路○之○

師應期而發將軍臣班第數以捷聞所過準噶爾舊部罔不崩厥
首以迎兼爲前導未幾師壓其境而陣遂度伊犁大陳甲仗夷人
畏慕無貴賤男婦少長相率羅拜馬前旋用其降人窮追達瓦齊
禽縛以獻會無亡矢遺鏃之勞而三四月之間廓清大幕萬二千
餘里之地如在戶闥豈不奇哉豈不速哉故知先時而覺者之謂
聖應時而悟者之謂賢後時而見者則眾人而已矣雖有元惡大
憝當其數未應絕則優容之及乎旣得罪於天王又自戕其君
父兄而

聖人用兵之意決矣此聖意卽天心也抑臣以今日之功稽

諸往牒則罕有可比者。無論殷伐鬼方。周獵狁。漢有賓顏瀚海之役。唐有吐蕃哭厥之師。類稱奇勳。動經數載。舉不足以方此。卽傳記所稱好仁之君。無敵王者之師。不戰證之其人其事。百無一應焉。然則從古儒者侈大之虛談。竟成我聖世顯燦之實事。此臣所爲始而嘆喟。旣而懼怖。極乎中心悅而誠服。以爲我皇上默承廟算之神。一至于此也。不揆樛昧。謹撰頌詞一十四章。以備師旋筵鼓之曲。以少展區區之愚。謹拜手稽首以獻。其詞曰。詞不錄。

序極雄偉。却只據事直書。自非韓柳所及。以其功本奇實。跨漢

唐之生故也中間歸美聖斷亦與韓同

聖駕南巡頌

謹序

乾隆二十有二年正月上辛

聖上躬御紫壇行祈穀禮越二日癸卯駕發京師恭奉

皇太后安輿載巡南國前期特詔江浙兩道二十二年以前逋

賦概予豁免截留歲運漕糧共一十有五萬石并勅經由郡縣

毋許崇飾臺觀競爲侈靡第就十六年前基而繕治之大官進膳

掌舍設幕絲粟不煩閭閻至是官吏各稟教戒勤汎掃以特於境

上眾庶熙熙咸自喜其福命得再瞻仰

天子花柳榆社一日之間以駕至走相告者數四不絕重以

清蹕所臨特弛呵禁凡水陸三四千里以及延袤數百里內杖扶
襁負而來壘跡道旁蹈舞呼此周民輸萬歲聲殷殷然視嚮者爲尤盛而
溫綸曠典揭日月而行江河思覃慶洽亦倍有加焉蓋自四民
而外上至鬼神之幽下逮梟囚備可之賤罔不霑汪濊之旁潤返
腐朽以向榮於戲盛哉自有虞氏四巡以來未嘗有也謹按虞書
云五載一巡狩鄭元注曰必五載者因天道時有所生歲有所畏
三歲一閏天道小備五歲再閏天道大備也而周官則云六年五
服一朝又六年王乃時巡馬賁與疑之以爲律以虞典遐闊甚矣
解之者曰周時尙文典禮隆異非若舜簡儉故未易數舉也然二

戴記周時之禮而王制亦云天子五年一巡狩所載陳詩納賈與山川神祇之祀視虞書較詳豈其初固循有虞之舊而後乃稍稍更制歟是未可知也總之帝王之道豫順以動動惟厥時是故禮時爲大東南爲財賦重地地大物眾慮多壅情而又瀕於江海水耕火耨所貴講求於蓄洩機宜者亦非一端而足我

皇上南巡實始辛未之春迄今凡七閱歲矣不疏不數之間所以順天道酌時宜準前經而布新令也臣又嘗觀周頌諸什前登時邁後錄般之篇凡以明神聖繼承終始無逸之義欽惟

聖祖仁皇帝六下江南深仁淪浹凡蒙一顧之恩清問偶及者

身及子孫。至今口能舉之。形諸感涕。我

皇上甫再巡而民之戴我皇。一如其戴。

聖祖繼自今。以至億萬年。入疆之慶。豈有艾哉。而因是以知敷天

衷對胥準諸此。又豈第茲一方而已哉。臣竊不自揆。冀附於詩人

之指。以文擊壤之言。謹製頌十章。百三十有六句。拜手稽首以獻。

最是序中總括一段字字詳核。筆筆飛舞。如親見其事。適值其時。百世下誦之。當無不津津艷羨也。詩逐條分舉。人人皆有之意。不錄。

聖駕巡幸天津賦 謹序

乾隆三十有二年仲春之月

皇帝時巡於畿甸之東南。實惟天津。觀河望海。凡諸淀泊堤埝。瀦洩機宜。特授方略於大小疆吏。惟詳惟慎。旣歲事則申禋明神。飭新廟貌。益推大澤。賚耆孤恤商旅。釋輕繫錄。廢官加惠。戎行增廣。學官弟子。越二十日。三月庚戌。旋蹕京師。甚盛典也。臣謹

首敘○巡視條理

按河北之水多發源於山石。如二漳。滹沱。桑乾。其最大者。諸大水。下游皆合而大水。又各自合。燕趙之水。隨所經由。或別得名。稱不可殫數。其究以直沽爲歸。宿直沽者。水自塞外丹花嶺出。西南流。

入塞合內水以趨海。謂之沽河。而向所謂諸大水。自他道合所過。水趨海者。亦皆攢輪於此焉。卽其地置府曰天津。天津云者。若天之星漢然也。子牙河者。名不見古經。蓋卽滹沱之下流。而未大於本故。就其經子牙村以名之。其東行自大城入靜海。其北由王家口入淀。

聖宗仁皇帝始命築東西二堤以束河身。湍流以安。

世祖憲皇帝以入淀之西流每爲堤害。准廷議障而東之。而其入靜海一支又自分爲二。西曰正河。東曰支河。歲久或淤且溢。往者上特詔河臣重濬。並審面勢改東爲正。下行與西支合而放乎天。

津至是乃躬泣循視焉。又直沽入海之處別名海河。河西有堤。堤有牖。牖凡五。上復申命增築雙港。開台舊設而六。以導浚泊。諸流使暢。而民田以腴。歲收數倍。茲故沿河東下直抵望海亭。以省其成。云夫自禹跡既湮。故道已不可復。居今日而言不當與水爭道。舉田疇室廬而委之。是猶阡陌開而議畫井郡縣建而策分封。皆泥古迂生不可道之論也。且非獨大河爲然也。卽如衡漳二水。班固地志與酈道元水經注皆云漳水至阜城入河。桑欽則謂河日東徙。漳自入海。今欲強漳水從古經之注。其可乎。由漳以推。則諸水之遷移分合。古今政無定形。所貴因其就下之性而順以

導之與時宜之則夫多開支港慎固隄防制其橫流收其廣濶誠今日之急務而無取乎崇論宏議迄難施用者矣是故禹貢一篇至數千言出自史臣所紀其迹也益稷所載禹之自述施爲次第兩言而盡其意也意有可尋則迹不謀而合我

皇上乘春布令不憚親舉玉趾下臨礪磧爲農事民生興利防患證以古神聖之用心實同一揆臣愚過不自量思有以仰窺聖抱奉揚仁風而文不稱情竊於邊幅輒復倣賦家問答體引伸其義或者亦有當萬分焉其辭曰
重城之表萬花之邨有力田秀儼然過擊壤之老而詢焉曰傳

云萬物熙熙如登春臺。謂時之可樂無如春也。春氣喜。故生雷鼓動而蟄蟲起。土脈發而草木榮。在物且然。矧吾儕微甸之氓哉。今天子布德施仁。每先首善。時省斂而省耕。蠲賜全而賜半。寒則飽以粥糜。暑亦磨之冰。饑衢塢之盜流。抵蒲蕙之清扇。然且當青黃不接。輒爲宵旰靡寧。詣粦壇而相風雲之氣色。問午夜而量雨雪之淺深。鸞輅方旋。烏龍奮甲。辦香旣熟。重露津莖。是用比歲書雲。連檐炊玉。所以思此輦下者。沛乎其有餘而無不足也。當此之時。謂宜賞花上苑。供帳雲龍。服八風之水。葺九成之宮。居青陽之右。不撞酺宴之洪鐘。庶以取幾暇之泮渙。酬富

春之春容而顧。風駕燕南。周諮海澨。安如未安。治益求治。其故何歟。對曰。善哉問。茲事體大。非謏臆之所能會也。雖然。將言之。昔者舜濬九河。禹乘四載。規域外以周觀。必神州之先。又洎乎文卽康田。武懷河嶽。極周原之孔長。亦豐減之是築。若蒙者自少。近神堯之光。中間瞻執競之烈。身旣勤民之恩。心知邁古之績。皇上紹先緒。法天行。播德威。以馭屬國。合歡心以奉慈寧。乃者禮泰岱。陟嵩高。閱吳會。汎瀋邇。罔不敷濊澤。霑甘膏。至於攬幽州之勝概。緬冀野之華滋。回風雨陰陽之所和。會而春秋補助之所勤施也。况乃星分析木。興重漁陽。逆河載於禹貢。獫養

見於職方域總攝乎冀兗治分領於瀛滄倚盧白之險阻控衡漳
之蒼茫南俯益萊北環京邑盼十洲之遙鄰紀九河之舊入惟源
遠而脈分亦氣厚而勢積其分也則旁潤宜乘其積也則要衝宜
恤自我

皇御極以來○發金堤拓河壩闢桑土○敘鹽田○人享清晏之福○家登
衽席之寬○徒觀其成事之效○則朝宗之盛○可得而言矣○試與若遙
瞻渤海近睇津門○沾水旣奠○眾流并臻○直沽之南○衛河潭潭○灌子
牙而混漾○合滹沱而瀟灑○直沽之北○白河混混○挾鮑邱以兼包○折
武清而罔越○直沽之西○河形如丁○厥有諸淀之水○澧澧淖淖○縣巨

似○綠○散○落○如○星○是○莫○不○匯○流○於○大○沽○而○歸○宿○於○東○潁○爾○乃○覽○其○郊○
野○辨○其○物○宜○漭○畝○爲○滄○輯○隄○成○畦○紅○稻○香○秔○熒○實○葳○蕤○他○若○澤○居○
紛○穰○半○盆○億○千○淘○沙○出○素○曝○雪○生○烟○更○有○闌○闕○鱗○比○郭○郭○犇○闕○鮫○
綃○入○市○仙○棗○登○盤○凡○茲○被○潤○澤○而○大○豐○美○豈○不○由○累○歲○月○而○底○安○
全○我○皇○於○是○念○九○歌○之○勿○壞○廛○屢○省○之○乃○成○七○萃○迅○發○六○飛○
時○乘○蒼○威○效○御○青○祇○扶○輪○軼○金○臺○之○舊○址○指○碣○石○之○通○津○已○而○釋○
軫○軒○登○華○舟○褰○黼○帷○鑑○澄○流○儋○容○與○淩○清○浮○拂○長○虹○於○千○里○佩○雙○
鏡○於○分○溝○懸○斗○起○之○危○坂○展○湫○隘○之○下○游○翟○禹○迹○而○如○繪○眷○
宸○顧○而○爲○籌○尤○念○積○封○之○地○綽○有○間○田○懸○耒○之○家○非○難○自○養○朝○興○

版築夕臥蒼龍昨本沮如今呈沃壤迄乎名都在望諦審前功嘉
舊坊之無賦。勗新堰以加封。感洩哭于類例。揣穴蟻而惺松。進司
州而教誠。飭羣吏以經畫。時則眾庶殷至。遐邇從集。皤髮黃童。駢
踵接蹠。銅符墨綬。奔走林薈。我皇乃勅鴻臚。召春卿展玉帛。
薦犧牲。燔沈檀。酌縹醢。陋沈璧之故智。勤望秩于重瀛。已乃循
坡立社。臨水安楹。司坊庸於茲土。享祈報於眾生。恍靈風其颯至。
欣百神之冥承。重以油雲沛雨。被葉流根。覩滋液之滲漉。識醲化
之過存。言未已。問者蹶然而起曰。有是哉。而後乃今知盤石之固。
非一簣之舉也。鵲香之升。非三榮之迹也。雖以堯舜業業。湯武皇

皇其茂以加於我

皇之訏謨盛德矣第不識觀民設教二面

一作收

實一者厥象奚似也曰上之所履下之所視登高而招若傳之翼

順風而呼言提其耳建有極而錫之福者君子樂得其道小人樂得其欲

聖天子以堂皇之尊力溝洫之役近觀者傾心逃聽者跂足風聲所樹不疾而速將使四通都會賤賈靡而貴農列第歌鐘易喧場而返朴甯惟是四門之陂遞興而史起之渠盡復方當榮光滿河秘文出洛膏露如珠醴泉可掬二氣勻調百昌茂育納羣生於在宥引細流而歸壑若管蠡之陋劣又焉足以窺而測之

指畫確鑿竟似一篇名臣奏議治水家可據以爲法程不圖於賦序得之

○○○擬平西露布

乾隆二十四年秋九月我師追及大小和卓木于拔達克山其山
建牙之汗曰素爾坦沙承我師檄禽戮逆回而函霍集占首獻于
軍門將軍臣富德等執金鼓而受之仰荷上蒼助順之心
祖宗佑啓之澤

皇上決策運籌之明且斷西師一役告厥成功卽日奏達九重
聊紓宵旰重稽故事別製一通露版不封布諸觀聽以示所過
名都紫縣水驛山郵村墟市集諸父老之休養百千餘年目不識
兵革者俾各釋其狐疑歡喜抃舞轉相傳述比戶以遍此固

國家鳴豫之盛典而亦在事師武臣力之職也辭雖不文義取共
曉爰溯其事之爰起迄於大成詮次如左先是伊犁旣平降王入
侍曾不遺一矢折一戟數月之間而翦取萬里之遙累世之久偏
強窮海妄自尊大之狂國如烹狐雛則旣足以塞向者閉關謝遣
之陋議矣暨乎封賞旣行貪狼未厭念鳩居之莫逐懼神鼎之圖
奸遂乃奪路反戈羣狙煽動羽檄蠡牛眾情洶洶
皇上以爲當乘其烏合而亟討之于是團兵練帥督促進攻黃鉞
載耀乎龍廷雲羅四布于西極狂賊果駭出不意喪精遺魂望塵
奔竄卒乃溫禺悔罪尸逐披忱雖復彼此相屠要亦終歸孤立曾

未幾時而長鯨暴骨於境上矣此則

聖上全局在宥不以小失意而撓大謀爲西征之一大關鑰也兩

和卓木者回鶻之別種向爲準噶爾所囚而我脫之且安集之所

謂生死而肉骨者也霍集占顧反黨阿逆抗王師紿統軍肆戕

害自知孽不可活首鼠兩城已而我軍搗穴之師被圍黑水副將

軍臣富德參贊臣舒赫德等卷甲赴救屢經戈壁大隊疲乏幾不

得前會昨年奉旨撥替之士馬已在中道臣阿里袞聞急趨進

適濟其用於是夜斫賊營腰天動地內外夾擊賊眾驚潰自相蹂

踐赴河水死者蓋以千數將軍臣兆惠用得全旅而出暫回阿克

蘇城以待再舉當是之時二逆雖恃險負隅假息朝暮顧亦既屢
經屢敗僅以死免而我將軍自搜剿準夷餘黨移師西指以來則
又諭降西札薩克及布魯塔什罕諸邦以至撫有庫車沙雅爾阿
克蘇烏什和闐之眾朕躬有神明朝廷威德業遠播於天山南北矣蠶茲么麼
亡命之稽誅似無損萬國來庭之偉略然而
聖上則以爲二逆一日不獲卽西事一日不全語云蟻穴潰堤寸
烟泄竅誠不欲以藐小而置之是故討阿睦爾撒納者平西之餘
事捕兩和卓木者又滅阿逆之餘事雖曰餘事而四裔之觀聽繫
焉卽大功之完缺亦繫焉此今春休息未久乘夏征行而復有六

月之師之所由也。我師既再舉深入，一賊則已輦重挈孥前期逃去。悉如。

聖策而葉爾奇木哈什哈爾之舊伯克相次舉城以降。於是分兵三道且躡且遮。步皆重繭騎無停秣。遂連得三大捷。底於成功。參贊臣明瑞以前鋒九百追及賊眾數千而襲擊其不備。轉戰三時。所殺過當。則霍斯庫魯克之捷也。將軍臣富德等遇之兩山之間。賊方伏其輜重。故示羸弱以致我師。我師知其詐也。整陣而後從之。將軍臣富德等統中軍參贊臣明瑞臣阿桂等領左翼參贊臣阿里衮臣巴祿等領右翼。是之謂正兵。此外有奇有援有四面援。

有。殿。部。署。既。定。將。卒。人。人。自。奮。莫。不。一。以。當。百。下。逮。輿。臺。僕。隸。之。元。賤。亦。皆。植。髮。袒。臂。爭。先。摧。陷。賊。乃。大。敗。其。黨。酋。數。十。輩。皆。臨。陣。殲。焉。則。阿。爾。楚。爾。之。捷。也。伊。西。洱。庫。爾。者。界。連。拔。達。山。最。爲。險。阨。二。賊。糾。集。殘。卒。憑。高。自。固。勢。且。復。張。將。軍。臣。富。德。等。設。四。覆。以。蹙。之。發。大。神。威。遠。礮。仰。攻。之。碎。以。火。器。攢。以。鳴。角。諸。偏。銳。冒。櫓。石。攀。猿。藤。蹴。鮮。壁。超。飛。梯。而。上。者。先。後。不。絕。賊。黨。大。怖。號。呼。乞。命。靡。靡。俱。下。霍。集。占。自。出。邀。截。至。手。刃。之。不。得。止。鏖。戰。一。晝。夜。賊。遂。大。潰。裁。以。其。殘。眾。四。五。百。人。逸。去。計。俘。獲。萬。二。千。有。奇。器。甲。牲。畜。稱。是。則。伊。西。洱。庫。爾。之。捷。也。拔。達。山。汗。素。爾。坦。沙。亦。回。部。之。雄。也。有。眾。

十萬戶○旁近小弱服屬者頗眾○距葉爾奇木數千里○殊不意大兵
猝至○與其部下貴臣沙不爾皆大驚○隨遣其頭目叩壁奉表○願爲
臣僕○辭極恭順○將軍臣富德等檄以縛賊自效○不則且加兵焉○而
外展壁門以示之信○素爾坦沙果自將其眾○遮賊於阿爾渾楚哈
之地○使不得他遁○至是乃糜躡大和卓木波羅泥都而尸凶渠小
和卓木以獻焉○寶二十四年之九月三十日也○蓋自問罪迄今未
及三年○距平準夷滅阿逆未及五年○而宿逋巨慙掃蕩既盡○中間
臣服牙帳及城郭之國數十○闢地延袤二萬餘里○以視兩漢盛時
封狼居胥勒銘燕然○遠者出塞三千里○近則不越二千○唐通西域○

其○累○墜○
去○長○安○亦○無○過○九○千○里○者○然○且○積○月○累○歲○或○數○閱○人○代○勞○敝○極○而○
僅○得○之○詎○有○若○才○精○大○清○之○赫○聲○濯○靈○彌○亘○覆○載○雷○動○風○散○無○淹○晷○
刻○如○是○其○拓○境○遠○而○奏○功○捷○乎○煌○煌○哉○得○全○者○全○昌○此○其○徵○矣○兵○
事○既○蒞○凱○樂○將○作○在○列○之○士○有○進○而○謁○請○於○將○軍○者○曰○某○等○辱○將○
軍○之○策○勵○將○軍○荷○

天○子○之○擘○畫○以○獲○有○成○功○其○由○來○彰○彰○明○矣○惟○是○黑○水○之○役○以○我○
兵○數○百○當○賊○數○萬○發○地○害○而○得○米○披○沙○礫○而○出○泉○卒○能○殺○賊○潰○圍○
去○凶○卽○吉○此○豈○人○力○之○所○能○爲○而○先○事○之○可○預○料○耶○蒙○不○敏○未○有○
以○明○其○所○以○然○也○曰○固○也○此○補○敘○事○帝○謂○我○

皇○用○一○筆○結○盡○

皇上敬天法祖仁民愛物。歷二十四年。勿懈益虔而降之福也。仰惟聖德謙尊。兢兢業業。積於事先。周乎事後。今茲大功之成。方將修郊禋。肅廟饗。酌河嶽。秋羣神。摩寫崖。韻薰奏。奉觴聖母。錫類寶瀛。用以申命。凝休縣縣無已。而向者卽事之神應。又何疑也。僉曰善。於是洗兵秣馬。極目西海。決滸萬里。烟塵無驚。相與鳴金。饒沸橫吹。龍鞭翔步。前喁後于。長歌而入關也。

直是紀事一篇將聖主造謀將士用命始末次第了了如見而文筆磊砢雄奇不摹古而自古亦足奄有唐宋元明諸公之勝

○王通中論說上

或問陳氏曰。隋有王通。號爲文中子者。何如人也。起。如。客。斷。定。曰。志士也。好名。而出於正。曰。通。門人所傳元經。署尾云。文中子生於開皇元年。卒於煬帝大業十三年。據此。通年纔三十有七。而其著書已自儼六經。比於孔子。聖人固若是易爲乎。曰。此不足異。吾聞橫渠先生云。三代以下學者之患。在敢希賢。不敢希聖。通居然敢於希聖。其志亦偉矣。病只在欲一蹴而遂至焉耳。或又曰。通非無意仕進者。隋文收元仁壽之四年。通至長安。獻策不報。遂歸而講誦。激爲高隱。詐也。曰。詐爲善。猶愈詐於爲惡。所謂好名而出於正。亦不失爲正。

士者也。於是或乃以中說所列隋公卿造公請謁及唐佐命諸名臣皆其弟子爲疑。且曰：如其非實，則爲妄人耳。焉得稱士？曰：此其徒姚義賈瓊之屬爲之，非通自作也。就中見道之言頗有當。是通平日規倣聖言而出，或存之筆記者，至實之以人與事，則由姚義輩於遺老旣盡之後，肆筆僞造，傳不云乎？其父殺人，其子必且行刳其師，欲蹴至乎孔子，其徒何不可蹴？至顏曾故以中說儼論語，假問答以表才賢，又自揣人望不歸而借重於時名震耀者，使與已列以求取信於天下，後世蓋好名之流弊有必至乎此者。是此書不足以重玉通而通一切著述之見輕轉坐此累姚賈之罪也。雖

然通亦自階之厲耳於姚賈乎何誅

此篇品題其人恰如分量予讀文中子書精深闕大宋以前無
此作也卽以宋人語錄較之亦不及于斯世而有斯人固宜自
擬聖人矣乃或者疑爲無是翁試問此書誰能僞造况新唐書
列傳中亦處處有其姓字乎

。王通中論說中

或又問曰。真偽之不可掩情也。天下後世之不可欺理也。書既偽造。何以得傳。曰。先儒固嘗疑之。而未敢訟言其非者。蓋不欲以虛疑無據之事。爲斷存厚之意也。又未暇統論其世。以知其人。故使偽書得倖存。而不廢。曰。然則君之斷爲偽造。其有據乎。曰。新舊唐書所列房杜李魏陳寶二溫諸公之本傳。具在。可取而覆也。元齡佐太宗定天下。及終相位。凡三十有二年。貞觀二十三年。病中有諫伐高麗疏。未幾卒。年七十有一。以七十一上推。乃生于周武帝建德宣政間。張王通四五歲。溫大雅史不著其卒年。然在王通始

生之年已爲東宮學士弟彥博卒貞觀十一年年六十有三以六

十三上推乃生於周武建德五年長通入歲李靖爲韓擒劔少時

本系唐書

自言丈夫當以功名取富貴何至作章句儒韓亦以可繼孫吳許

之其志趣與通大別又卒貞觀二十三年年七十有九以七十有

九上推乃生於建德之元長通十歲陳叔達爲陳宣帝子在南朝

太建十年封義陽王歷丹陽尹都官尙書但以帝子早歷官計之

開太建末及後主至德禎明以至開皇元年入隋最少亦得二十

餘而通是時纔髫齡耳竇威在開皇初以內史令李德林舉秀異

授秘書郎舉秀異最少亦必在弱冠上下是其長於通富與叔達

相埒。魏徵父長賢爲北齊屯田令。徵少孤貧出家爲道士。尤屬意縱橫之說。非通之學。中間流播。李密竇建德軍中。最後居唐貞觀七年。領史局。總撰隋書。序論皆徵所作。時稱良史。十七年卒。但以生數歲入周。歷周入隋。至貞觀卒。年當在八旬以外。視通年懸絕。而隋書所編儒林文學隱逸各傳。皆不及通。且其序儒林云。諸儒有身歿道存。遺風可想。皆著於篇。以徵之賢而忽然於通。又如此。晦叔父淹。開皇初以僞隱爲隋文所惡。畱之江表。其長於通一二。十亦不待言。惟如晦卒。貞觀四年。年四十六。少通四歲。薛收卒。武德七年。年三十三。少通十歲。或會識通與之遊。未可知。然如晦京

北杜陵人。幼隨父任昌州。後一赴常調。補滏陽尉。棄官歸唐。其蹤跡與通風馬牛不及收。年十二。能屬文。以父死。非命。遁入首陽山。尋爲蒲守所拘。踰城投太宗。平生馳騫患難。似無暇。優游講席間者。二公姑置勿論。若房魏七八公者。其顛末明白如彼。今其書述通之言曰。義也。靖而莊。靖也。惠而斷。威也。和而博。收也。曠而肅。瓊也。明而毅。淹也。誠而厲。元齡志而密。徵也。直而遂。大雅深而宏。叔達簡而正。若遲其時。不減卿相。夫師不在年。友不挾長。古道固然。然入學莫先於讓齒。孔門子路曾皙纔少。孔子數歲。遂以師弟年相若。傳爲希罕。令諸公於通。或五年以長。或十年以長。或二十餘

年○以○畏○又○皆○雄○傑○不○出○世○之○輩○而○低○頭○於○一○白○面○小○生○如○七○十○子○
之○服○孔○子○此○年○少○亦○卽○抗○顏○無○怍○擁○皋○比○而○指○揮○之○此○亦○傀○儡○登○
場○之○劇○觀○矣○天○下○甯○復○有○此○人○事○者○哉○或○又○曰○彼○何○以○不○懼○後○世○
之○疑○而○見○攻○也○曰○子○不○見○其○卷○末○補○罅○之○說○乎○彼○謂○有○訝○董○常○之○
始○冠○而○達○者○瓊○解○之○曰○夫○子○十○五○爲○人○師○焉○此○言○爲○凡○老○蒼○者○設○
也○獨○不○思○孔○子○方○志○學○而○王○通○已○爲○師○殊○不○類○論○語○乎○又○謂○王○珪○
從○子○求○續○經○曰○當○仁○不○讓○於○師○珪○通○叔○父○也○此○直○爲○珪○同○列○之○諸○
貴○而○設○耳○獨○不○思○關○黨○惡○抗○其○先○生○而○王○通○乃○弟○其○叔○父○又○殊○不○
類○論○語○乎○

此篇實指其僞以諸公年齒相較令人粲然

○王通中論說下

或又曰竊聞作僞者無所不僞也。中說有謂楊素蘇夔李德林請見子皆與言終日云云信乎曰此其有無不足爲輕重任讀隋書者審其眞僞可矣。曰試毛舉一二吾將徐考焉。曰卽如李德林於開皇十年謫刺湖州少遷懷州遂卒于外無從得與通相見。蘇夔論樂數困老生何安何有於通。楊素性不喜儒史稱其仁壽中淩轅朝貴視蘇威蔑如視威蔑如而殷勤於獻策不報之王通乎且素固亂臣賊子之尤桀黠者假令陽虎與子言終日子將煩懣發病而通固津津述之直一齊人與遊盡富貴之續耳度通亦不至

若○是○其○陋○也○他○如○賀○若○弼○宿○將○李○密○亡○命○所○紀○問○答○皆○於○其○人○之○
事○後○摩○揣○形○似○以○神○其○師○之○先○見○凡○此○類○者○皆○不○待○辨○而○知○其○誣○
也○或○又○曰○如○君○言○是○皆○然○矣○雖○然○吾○亦○病○子○之○太○察○如○宋○阮○逸○序○
中○說○謂○爲○薛○收○姚○義○所○集○而○君○顧○舍○薛○而○坐○賈○何○也○曰○非○臆○斷○也○
此○書○卷○末○明○言○董○仇○旣○沒○程○薛○旣○殂○則○非○出○自○薛○審○矣○彼○阮○逸○者○
徒○見○通○之○元○經○序○署○名○收○譔○因○而○列○之○不○知○彼○亦○非○收○作○收○爲○道○
衡○子○少○承○家○學○太○宗○軍○書○露○布○皆○出○其○手○何○若○至○元○經○序○之○蹇○澀○
荒○陋○不○堪○屬○目○耶○徒○利○其○貴○而○早○夭○語○無○左○證○故○假○名○焉○其○實○非○
也○曰○然○則○何○以○知○其○爲○姚○義○賈○瓊○曰○亦○卽○據○其○書○知○之○如○通○所○謂○

靖威等八入之美。惟姚賈得廁其間。後又有曰姚義之辨。李靖之智。賈瓊魏徵之正。程元王孝逸之文。申之以禮樂。可以成人矣。二篇皆有姚賈。而姚輒稱首。賈則與魏類列。而亦先賈。後魏如義之壓靖。若以此示高異焉。程元者不知何許人。據云已殂。王孝逸名貞。仕於開皇。初隋書有傳。涉大業。初早卒。則此書非姚賈偽造而誰哉。或又曰。子之歸獄姚賈。誠當。第不識何以知其遺老。旣盡之後也。曰。彼於唐初。明臣一網。幾盡。而獨漏一。首座之長孫無忌。此必在無忌以謀叛。冤死之後。故舍之耳。且諸貴未亡。則其書必不敢出。此吾所由知其爲遺老。盡而肆筆者也。凡吾所以喋喋不已。

往復攻之者非得已也。孔孟惡似此書貌論語之似其中心則純
○此○屬○意○思○
平走勢利如火炎炎不復知有慚恥使其在上位則不難爲莽之
○從○古○無○人○持○登○
居攝安石之條例而禍及一世矣幸而不過爲不得志之流蕩溺
於好古之末流聊以自適未見大害然其魄力已足令唐宋以下
之文人學士懷疑而不敢直折以迄於今小人儒之無忌憚至斯
以極吁其可畏也

此篇摘發大嚴直令作僞者置身無地

○○○廣貞女論

忠臣不事二君。烈女不更二夫。道之正乎。曰正事二君。更二夫之
爲不正乎。曰如此則正。不如此則不正。此較然易明也。乃亦有可
○折○兩○邊○都○到○必○如○此○才○是○微○得○水○住○又○字○
以不如此而必如此。而不得謂之非正。不可以不如此而竟不如
此。而不得謂之非不正者。不得謂之非正者。謂此一正之不可以
例眾正也。不得謂之非不正者。謂此一不正之不可以例眾不正
也。此微渺難知者也。武王誅暴救民。夷齊餓死。可以不如此而必
如此者也。夷齊餓死空谷。而微箕受封。不可以不如此而竟不如
此者也。君子於夷齊之餓死。則弔之而亟表之。不得謂之非正。故

也。於微箕則略其封而不論。不得謂之非。不正故也。不得謂之非。

早折為微箕之說伏案

不正以是責微箕而微箕不辭。君子傷心焉。故不論也。前明歸氏

震川作貞女論。今山東趙氏著論駁之。歸氏曰。女未嫁而為其夫

死。或終身不改適。非禮也。女子未有以身許人之道也。趙氏曰。女

亦以臣事駁正

既納采問名。是已定於所天也。昔晉狐突不召二子。其時重耳未

為君。則狐偃有不純臣之誼。而狐突以為不可者。重委贄也。男子

委贄而君臣之分定。女子委贄而夫婦之義又何說焉。歸氏曰。男

女無自相婚姻之禮。六禮既行。婿親迎授綬。共牢合盃。而後為夫

婦。一禮不終。婿不授綬。不親迎。無父母之命。女不自往也。猶為奔

而已。女未嫁而爲其夫死，且不改適，是六禮不具，塤不授綏，無父母之命而奔者也。非禮也。趙氏曰：廉恥者禮義之所生也。女子貞於一不二，其操者禮義之大者也。舍禮義之大而從父母之二命，陷其親於不義，不自以爲恥，而轉恐人之行禮義之大者，失廉恥之防，其爲說悖而慮亦過矣。此說也行。吾恐天下之恥爲善而喜於爲惡也。歸氏曰：婚禮旣納幣，有吉日則如之。何？孔子曰：塤已葬，致命女氏曰：某之子有父母之喪，不得嗣爲兄弟，使某致命。女氏許諾而不敢嫁也。塤免喪，女之父母使人請塤，勿取而後嫁之。禮也。勿取則嫁，禮固云然。趙氏曰：歸氏掇禮之糟粕以取快議論而

此語自過

實非也。壻有父母之喪，固不可得而取。免喪而取其亦何害之有。而遂請絕，是遵何德哉？僕之疑此久矣。夫記之不可施於實者，甚多。皆後儒之偽，而非聖人之言也。君子從其粹而已。凡趙氏駁歸氏之說，其理甚長，而文亦繁。今但錄其略，以表其善善之公，不可得而易也。雖然，歸氏取快議論，至以守貞之女與奔者類例，是猶詆夷齊爲失節，固爲可笑。而趙氏反之，其論末謂不死而改適者，猶或遠於鑽穴踰牆，猶或遠云者，疑於不遠者也。此似激於猶奔之說，而甚其辭耳。僕亦未敢謂然。或曰：如子言，二子之論以趙氏爲長，而亦不無過激，是評論而異乎著論也。子且論女未嫁而爲

其夫死與終身不改適者其正不正若何曰爾不既有其夫之云出即在前乎不既有改適之云乎名未定何有夫適無所何云改甯死而不改適不得謂之非正也反是者又云何曰名則既已定矣適則知有處矣特未嫁而猶爲女耳不爲之死而且改適不得謂之非不正也

歸氏之非易辨也趙氏過於峭直刻深人生遭際有幸不幸一家之情事至變而刻苦奇慘之行又至難今不可令人恥於爲善而喜於爲惡又豈可令人競榮名而莫必其終蒙惡聲而蓄忿以沒乎此吾所以以不論論之也自記

彙兩家之說而中懸衡焉。忠厚平恕。藹然仁人之言。東坡有云。
要在於不可易也。受業莊存璣謹識

此事辨之者多矣。要未有心平氣和。理正詞粹。折衷論定而無
編崎之失。如此文者。可以俟百世而不惑矣。

紫竹山房文集卷二

錢塘陳兆崙句山著

後學上高李祖陶欽之評點

高安胡如玉醒巖校刊

○湖北鄉試錄序

臣聞宮徵相宣。非一器之能。水火相和。非一時之味。自古聖王亮
工熙績。必合羣策。力以効功。而眾君子濟濟。踴踴用標。和而不同
之美。唯其不同。是以大同。夫盛世之文。亦若是則已矣。歲在辛酉
六月。禮臣以湖北考官上請。

皇上命臣兆崙偕編修臣棠往董厥事。伏念臣蓬華單寒。毫無知

識恭逢

皇上御極之初由庚戌科進士考試內閣中書舍人

乾隆元年由中書

召試鴻詞科仰蒙

以置史館明年充丁巳

科會試同考官是臣自通籍以來再興

聖朝科目之隆疊荷

天心培植之厚抱慚非分方切悚惶乃復竊用樛材俾司藻鑑臣

何人斯膺茲異數敢不矢公愼之區區期以稱于萬一用是星言

辦裝屆期抵境監臨則巡撫湖北等處地方臣范璨表率端直綱

紀清嚴提調則湖北驛傳鹽法道臣李梅其細大兼綜條理咸秩

監試則分守安襄鄖道臣王概規條愼密內外肅清內簾監試則

候補同知臣莊亨陽夙夜恪勤周防整肅公及進學政臣張映辰所

錄士九千二百有奇。鎖院而三試之。臣兆嵩、臣英、率同官臣鄭夢馨等，誓告神明，共矢精白。得士五十三人。其成均者十四人。錄其文之尤雅者二十篇恭呈。睿覽。臣例得一殿言簡端，臣竊惟文者以文其言也。言之有取。夫文者懼言之不稱其情，不盡其理，不開拓其意境，與疏通其事變，而後假諸清濁，以同下，以節宣之。而後證諸經史子集，以發揮之。是故其情喜怒哀樂，其事飲食男女，其理忠孝信義，其境富貴貧賤。凡此乃所以有旨。是文者也。惟然，故文不一體。而其所以有是文者，未嘗不同。所以有是文者，未嘗不同。則所以因其言而揚之者，正不嫌其異體。何以明其然也。仁者見之。

謂之仁。知者見之謂之知。此受乎天也。剛柔不輕重遲疾。此成於地也。薦紳先生之所風示。父兄師長之所流傳。此囿於人也。受於天者。觀之以推其情。事理境之微眇。而因以下其異日處人家國之間。雖不中不遠矣。故曰無勦說無雷同。勦說者非喜新厭常之謂。亦謂是喋喋者隱其真而勿彰。盜其似以相冒。誠無取焉耳。我皇上文思性成。經天緯地。巍乎成功。煥乎文章。兼體互施。不名一德。而又欽定古今文善本。頒行天下。兼收並蓄。無隱不揚。仰見我皇上既聖而又多能。而且以知古今之學者。亦一致而百

慮也。臣來自田間，拘墟寡識。凡所甄別，豈能自信？知言至於極，不問之致如此已私，惟憑臆斷，則非臣愚悃所敢出也。或端凝矜重，風矩非常，若耆碩之翔步而委蛇也；或蒙蕩感激，極言急論，若孤忠之奮袖而論事也。或明白簡易，不雕不琢，若農忙之歌舞於衢巷也；煦煦然若慈母之蓄子也；嫖姚乎若勇士之克敵也。心聲之發，筆正之符，茲足以觀矣。然非親師取友，沐浴於風教者，久而崇雅黜鄭，轉移於聖化者，速亦何能至是哉？抑臣聞之五聲六律，十二管還相爲宮也。宮者，天地之中聲也。五味六和，十二食還相爲質也。質者，萬物之元氣也。調元氣，揚中聲，以化其氣習之偏而鳴國家之盛。

則大同之治亦於是見端焉。是故文格不同。同歸於正。行誼不同。同歸於和。臣雖不敏。竊願與多士共勉之也。

此係塵劫之題。先生則拏定。惟其不同。是以大同之故。暢切而發揮之。陳陳相因之語。遂不覺一掃而盡。如此衡文。是爲巨眼。如此行文。是爲大家。

○送齊侍郎南歸序

乾隆辛巳之冬十月同年友齊侍郎次風先生自天台赴闕祝聖母七十萬壽以風疾在體杖而入朝。上召見溫諭相勞苦惜其距懸車尙遠詢以能起復未而固辭。上亦不強之奏對良久大稱旨遣內侍扶出宮門賞賜稠疊朝士以爲榮初先生簡直內廷侍皇子讀書有年一日墮馬仰仆巨石上骨破見腦已昏絕蒙古醫者敷以奇藥後三日始蘇得不死然傷重不能持行眠食並廢自是請去於今十有餘年少痊可裁能徐步過戶闕矣而神明殊勝爲後生口授經史大義及百家之說娓娓猶故當事

延爲會城書院山長。上南巡。率諸生迎。駕湖上。優眷有加。至是。

慈寧宮大朝賀禮成。將告歸。同人爲故鄉諸老置酒祖餞。頗盡歡。而僕更私爲薄設。攀先生夜話。察其飲啖大減損。知所苦未盡釋。而劇談謔笑。其興彌高。蓋胸中有自得者存也。伏波嘗云。凡人爲貴。當思可賤。如公等殆不可復賤。僕則謂可貴可賤。猶未足爲難。獨有可安。平亦可患。難可康強。亦可疾病。然後見道力耳。先生自歸山後。平生欲著之書。都已次第粗就。後來之秀。得其指授。爲文者皆蔚然有聞于時。是先生轉因病而有以自利利人如此。孰

與諱疾而不去與一去而泯沒不振者又孰與無疾而酣豢而悠
忽以至於身世兩無裨益者僕差張五六年齒落瞳昏腰脚軟弱
指爪不利往往麻木酸痛上引至肩老態可笑甚矣徒以家累至
重去官卽無以自活故遲遲耳今旣不能隨先生去未審相見又
在何年愧無以爲贈輒復道其不爲疾苦之崖略以志傾慕之意
而直諒如吾友其將以僕爲諱疾與無疾中何等人耶當必不惜
一言以見箴也

前幅敘次高簡後幅一往情深筆致與態度俱絕

○周圖南先生詩集序

往在內閣爲舍人時與前輩周先生十樵交最善讀其詩刻苦清
嚴摒擋一切竊以爲詩必如是不亦難乎然十樵甯少作而務爲
其難者今十樵自州牧擢嘉定守將之官出其尊甫圖南先生詩
五卷屬僕爲序受而讀之則見其捶字結響必按切不浮宕往無
盡一韻之落可以白首腐毫乃今知十樵之詩之有自出也近日
少年或自誇敏速搖筆輒成就求所爲往往不得其用意之所在
夫明璣翠羽犀貝之屬耳目細娛無用之物猶且萬里求之而後
得焉甚乃求之未必得得亦不備而謂鬼神之幽神明之奧可以

立○取○諸○懷○無○不○應○者○則○吾○終○未○之○信○也○圖○南○先○生○之○詩○不○苟○作○久○
之○漸○多○卒○亦○存○者○甚○少○正○坐○此○也○僕○入○世○垂○三○十○年○所○見○詩○人○不○
少○獨○三○數○君○子○數○十○篇○篇○或○數○句○時○往○來○胷○中○十○樵○其○一○焉○然○則○
士○無○家○學○而○與○俗○遷○轉○期○自○拔○於○嘈○切○之○座○繼○聲○古○人○豈○可○得○哉○
豈○可○得○哉○

此先生甘苦自道之言故先生時文古文與詩歌皆能拔俗文
亦接切不浮宕往無盡

趙愚溪時文序

山東單父趙子愚溪工時文。其格律在王錢歸唐陶邵之間。而竟老於諸生。以卒。臨終檢遺稿付其孫進士之旦。曰：平生精力瘁于是我死。爾必走京師。詣錢唐陳某。就其是非。謂是耶。幸爲序而存之。卽不然。焚之。吾且瞑目矣。吾雖不識陳某。嘗誦其文。知其人當不吾拒也。壬午之冬十月。奇寒。予方以日直內廷。謝絕人事。進士冒大風雪至門者再。已乃拉予素交其鄉朱侍御偕以來。跪而述其祖命。余駭其情事有異乎。泛泛之以文見商者。又恐重違侍御意。不容不諾。進士再拜而去。明年四月發篋讀之。則益駭然而歎。

曰嗟乎此柳子厚所云獨爲於舉世不爲之日者乎吾則猶是爲世之所爲者何足以知趙子憶自弱冠以來應試之文或有挂人口者大率亦如子厚所云務采色夸聲音以苟一得而已其他與十數密友私課之作則間得古人形貌而一以氣勝至於制義之正體王錢諸家之遺則非不知其如此則是不如此則非而卒不敢爲者自信之不篤而求悅於世之心未能忘也後官京師遇鄉會試官題頗有擬作稍稍以正自裁然作亦不多且未嘗出以示人度愚溪所見予文亦不過予向者之所爲耳其又安從知予之能知其所爲而遽以爲是則畱耶其又烏能必予之不如世之薄

其所不爲而遽以爲非則毀耶此不可解也夫人固有典刑同視
席至白首而不相知者亦有父子兄弟之親晨夕一室講習數十
年而不相知者宜知而不知如彼則遂有地隔千里之遙生無一
面之親而於此世又出處異路如愚溪之於鄙人者矣愚溪固云
誦其文知其人矣今吾亦嘗謂聞其言知其人并知其文而顧遲
之又久至于開卷而後駭且歎是吾之知愚溪固未若愚溪之知
我也

正敘只起首一句道盡中後從與已文格不同處反復低徊淋
漓盡致此先生文之所以獨絕也

○ 汪積山詩集序

汪五丈積山貌白皙而豐頤目如點漆音吐清婉性高疎有潔癖不慕世榮爲諸生自弱冠迄知命之年受知學使者不一人然每遇大比貢士輒望門反走或不終場遽歸蓋秋闈多風雨或水深沒髀甚乃流惡蔽席禁不得他徙穢氣中人則泄則嘔以積山之愛潔而忍此乎家居吳山之麓門近市而無雜質日以文酒爲樂夫人善治肴核佳客至輒出細廚以餉酒器無金銀犀玉率用瓷瓦然古澤可愛莫能名之朋友有得官告別者輒拍肩止之曰可且少住不每春秋佳日約客泛舟以星月未落會湖滸遲則不復

見待其賞鑑書畫別真贋如辨淄澠出自天授無師傳得友人詩
文佳句輒津津不去口必更有所得乃已雍正己酉創選士貢國
子學人爭欲得之目積山如仇積山乃託疾不就試學使者大怒
督促教授官拘以來竟拔積山且謂曰吾知生務爲名高所不隨
牒啓行者吾將以計辱生積山逡巡謝不敢然卒不行嗟乎人情
走勢利而違貧賤如積山所爲雖其素所遊處相歡愛者亦不能
無好名之疑其不能無疑者卽其走勢利而違貧賤之心之所憑
臆而謬爲推度耳前史不云乎人皆詐惡我獨詐善就使積山矯
而爲此亦千萬人中之所間有矣顧反不如隨流輩爲趨避者哉

積山張予垂二十年。與予爲忘年交。予事之在師友之間。其時文
舊有自訂本。久在人口。詩則一往傾寫。以清通澹泊爲歸。益晦翁
所謂近道者也。前三四年。其子雙承集遺詩。鋟板旣竣。郵書長安。
見索爲序。人事輻輳。未暇以爲。居憂以來。欲爲之又未克。成自頃
釋服。行且北上。恐遂辜其子拳拳之意。而背負平生要約之言。故
略道其性情梗概。以著其詩之所由來者。若此後之君子。誠志乎
矯頽厲俗。獎進清士。以備文苑獨行之數。庶有取焉。

此亦傳體爲序者。性行如此。詩必拔俗。

○施愚山先生制義序

能觀千劍始能造一劍能讀千賦始能製一賦凡伎詣乎其絕必
以其全力赴之故其道尊而以時發露無窮於應者今世之士裁
挂名仕籍輒舉所業業之其少有氣志者則曰吾將以肆力于詩
古文而無事此箋箋者矣不知此箋箋者其由費陳編耗日力咀
道妙斷世機而後得之乎抑惟是賈販之暇醉飽之餘摘摭剽盜
幸而一遇乎由前之說則既得之矣雖欲廢而不能不可以箋箋
命之由後之說則其爲詩古文猶之乎其爲時文已耳又何
所擇而舍此之箋箋以就彼之箋箋者耶亦惑之甚矣向嘗讀宣

城廂先生愚山詩古文心竊慕之時文雖頗有而未睹其專集又見當時詩人如王新城宋商邱諸公推服其詩甚至諸公誠知言然竊獨疑先生之所好有在而不甚留意於時文故流傳者少既復念所見雖少無不工者豈其不甚留意而能若是蓄疑於中未有所決歲在甲子先生之曾孫來令餘姚將梓行先生遺稿之未出者屬予序之始得遍讀先生所爲時文又得讀漢陽熊先生原序而後乃今向者疑先生之淺也熊先生不以詩名然吾嘗見其詩雄渾深秀一如其時文施先生詩譽在文之右而其文淵雅粹白又如其所爲詩豈非所謂詣乎其絕必以全力赴之

者耶。熊先生原序具在也。熊先生述先生之言具在也。窮鄉晚進。何容更益一言。特以平生所好在是。而自幸區區鄙淺之不謬於前輩。輒復本熊序引而伸之。

文不可苟作。必以全力赴之。鹵莽於時文。則於詩古文亦必鹵莽。予嘗讀熊鍾陵先生全集。見其敘時文數篇。皆斤斤言之。不敢一毫疎忽。深恨從前之鹵莽於此。讀此序。不覺擊節。

周雪舫詩文序

山水之奇有不出軒序而如見者大率得之古人之文章而文章之奇能驅山水入吾目者大率不可多得子美之詠洞庭也曰吳楚東南坼乾坤日夜浮吾讀之如傳翼投空習習然與烟俱上而愁墮也他詩未之有也退之之詠衡嶽也曰我來正逢秋雨節陰氣晦昧無清風須臾掃盡眾峯出仰見突兀撐青空吾讀之如披衲洗鉢休休乎與雲俱閒而欲還也他詩未之有也蓋未嘗不酌酒端拜以歎二公之文之奇適與山水等而其嘔心吐肝以爲餉於後人者功至鉅也吾嘗忝持使節主秋試渡漢江入武昌登黃

鶴樓極目西望。略悉其雄風勝概。而猶以未得渡洞庭。陟衡嶽。爲恨。長沙周雪舫宣猷。以湖南名宿出宰吾鄉。頻領分校。有以所爲闡中疑筆見示者。頗瑰異不類恆言。今乃得徧讀其稿。盡百首。則或爲汪洋自恣。一碧萬頃。或爲摘藻設絢。如丹崖翠壑。昏曉改觀。恍置我鳥靡提蟬紫葢石廩間。而不言山。似山不言水。似水直於古人狀山水外。別出一奇。向所謂未得至爲恨者。庶幾其在茲耳。夫環堵之廬。何殊蟻垤之陋。鴻造之治。甯歸寸靈之功。然且云爾者。狀卽口而可尊。神無往而不在也。僕本湖上釣徒。見聞淺鄙。每念山川羸秀。不足爭長。東南雪舫顧以大山大水見質於一邱一

壑過矣。雖然。輕塵墜露。固鄙人之所樂效也。

天然妙諦。格亦老蒼。其實不過一切字。以此論文。真是以粉碎虛空。

○漳浦西湖蔡氏家譜序

漳浦西湖蔡氏譜者。自其先直翁公。以至今。凡若干世。世次犂然畢具。注其籍及其里。以爲標目。蓋其慎也。自南北宋以來。閩中蔡氏。多以文章治行理學著稱。如道南源委所載。及列於名宦鄉賢。郡邑志爲傳者。代有其人。故蔡氏稱海邦大姓。顧亦以族大之故。子孫散處各路。往往失其世系。而不省其枝所由分。則但貴其最著於前世者。指爲始祖。而中間著代。或未暇以詳。此亦勢所必至。無足怪者。吾嘗讀吾年友修譜紀疑之篇。深思其用心而屢歎之。然未有以施吾服膺之意。及其譜既成。見屬爲序。而蒙心藉是以

發其敢辭乎。夫文章治行理學之名實。父子不能相代。其希風景
行。則存乎我之自立。今將恃先世之榮名。足光映後代。而不思尅
已。偶行或一旦入於下流。不肖以辱及其先。此大惑也。且凡庶姓
代傳之顯晦。亦各有時命焉。非人之所能爲也。或本神明之胄。而
隱於窮巖幽岫。以終其身。或以善人奇士。而遭風霜兵燹水旱盜
賊之禍。潰焉奔散。皆未可知。今如以所指始祖。引而下之以至於
今。而如斷港絕潢。以今子孫推而上之至始祖。而如超山越海。不
得已諱其所疑。而強爲之綴。此非但惑也。直謂之不孝也。可何者。
使所疑之祖。果爲吾祖。則冥冥之靈。自與子孫相維繫。春秋廟食。

雖不設主而其神焉往是闕之如周典之虛其位而吾祖之一脈自在也設祖其所疑而別有所不傳之祖格於廟食之外是名有始祖而實無祖又況其續焉者復與此例而謂之孝乎不孝乎此不待智者而能辨矣蔡氏舊譜出自金鼈者其始祖本一姓所共而葛山特以直翁爲第一世舉向所艷稱之仙遊建州而一空之舉族大憾久之乃帖然心服近且家置一冊於廟享時陳之豈非理不可奪而又深愜乎人情之所不言而同然者耶葛山譜成後始訪得其先世蓮峯公舊本校其大致頗不牴牾前人而搜羅較廣且備葛山以是意益慰又愿舉從父故大宗伯文勤先生所增

定祠廟。龜主儀器品式。悉繪爲圖。以示來者。蓋自蓮峯文勤。以至
葛山。先後修廢。舉墜閱百十年。而蔡氏西湖譜始有完書。信乎其
成之不易也。慎之至。乃所以成其爲孝。至其所緣起。以及竟事。及
訓示後人。一切規條。具載凡例。凡一十有八款。自蘇明允歐陽永
叔而後。僅見於此。學士大夫宜奉以爲法。

修譜不尙遠引他家。皆能言之要。未有如此篇之深切著明者。
讀中間一段。雖頑石亦應點頭。

○族兄嘉言八十壽序

昔人論三樂者。自子與夫子及南華老人而外。無聞焉。吾嘗附於
溫故知新之義。別爲之說曰。人生不貧。不富爲一樂。若隱若見爲
一樂。身生山水之間。性狎山水之趣爲一樂。是三樂者。設無後一
樂。爲前二樂。增長氣色。則潤迹囂塵中。委心任運。亦欲少味。然設
無前二樂之境。界習情爲消。受後樂之地。則雖有後樂之可樂。而
亦不能居之何也。人或仰衣食於奔走。逐形勢於輪蹄。從名山勝
水中來。而緇塵滿顏。與市人賈客何異。否則官高祿厚。志滿氣得。
欲避酣豢之名。則疊石激流。構成別墅。雖非天造。頗竭人工。假如

遂朝歌暮弦其中亦自足娛晚景而曾不得一日晏處轉眼屬之
他人故曰能居後一樂者必先有前二樂之宵境爲之地者也家
大兄嘉言性行淳篤爲宗門之二方嘗語予曰吾無求美田宅先
人敝廬足蔽風雨歲收薄租足供饘粥是卽吾之上腴廣廈也吾
無求高門閭少時隨眾考選晚得一命榮名於分已足其仕路進
取爲盛朝效用則俟吾後人爲之子孫誠能讀書成名作好官
以慰吾老卽是吾之安車蒲輪也吾無求瀟灑園池生於山麓家
邇湖濱晨夕杖一枝凌百級烟雲沙鳥萬態在目間出西郭纔三
五百步以百錢喚渡循南北山而盪槳開油窗以坐風往往竟日

是卽吾之福庭勝踐也。吾兄平日之言大略如此。又嘗迹其言證其行事。則雖不富而族戚有待以舉火者。雖不仕而冠蓋有式廬致敬者。雖不躬親樵漁而時與三數老友爲評茶酌酒之會。山童野叟見輒歡迎。不啻家人之愛。由此言之。向所謂三樂者。其全耶。未耶。夫樂與壽相因。今年屆八十。聰明指揮步趨。一一猶故。而吾少兄十餘歲爲勞人久。老態日益。旣切內愧。又加羨焉。會其子開基。於是秋以進士得銓湖北房邑。卒將歸省而後行。鄉會同譜列子行拜堂下者。咸在。余因書其所以致壽俾呈於稱觴之次。以引伸其樂。且博諸君子歡然領之也。

此眞神仙境界天不欲輕以畀人者文亦篤雅有節

○安順新路記

滇黔與國而道紆阻。明初水西女官翠霽開通滇故道。崎嶇特甚。師行不能並焉。意在使內出而阻外侵我。朝平水西。開置郡邑。其故道在安順永寧兩郡之間。仍其郵傳。未暇以改。雍正中山陰何經文先生知安順府。奉大吏檄。別開新路。尊以支銷。不實挂吏議。罷官。乾隆八年。特旨召用。而經文以退廢久。既老且病。再召並不能赴。蓋是時原滇黔制府鄂文端公爲宰相。特以名薦。鄂公敬効罷經文者。後廉得枉狀。恥爲讒者見。賣而未有以發。及爲相。乃有是舉。嗟乎。自漢道滇南。以通巴蜀。騷動西南。勞費無算。而張

壽○以○鑿○空○取○封○侯○印○唐○時○開○興○元○路○孫○可○之○作○記○稱○述○其○美○而○榮○
陽○公○以○謗○議○抵○罪○豈○非○其○命○歟○方○當○六○字○砥○平○八○荒○順○軌○區○區○更○
置○所○在○多○有○不○可○以○古○之○披○榛○斬○棘○拓○境○方○外○者○比○而○事○無○大○小○
爭○功○者○危○功○無○大○小○獨○成○者○敗○經○文○以○任○事○過○銳○幸○及○寬○網○而○又○
得○見○前○洗○於○此○段○正○敘○題○而○君○相○之○明○此○所○謂○千○載○一○時○者○也○先○是○水○西○故○道○
既○絕○險○爲○行○路○者○所○苦○故○綏○遠○將○軍○蔡○某○議○于○永○寧○之○北○更○闢○新○
路○一○道○既○制○府○瀋○陽○高○公○遣○將○覆○驗○將○遂○施○行○久○之○未○果○而○就○中○
危○坡○絕○磴○亦○復○不○少○卽○稍○稍○平○夷○者○大○抵○面○密○箐○倚○巨○壑○匪○除○匪○
堙○無○以○卽○坦○其○鐵○索○橋○之○上○游○今○名○西○林○渡○者○盜○賊○亡○命○率○相○蟻○

聚凶。苗時出爲椎埋之奸。猝不能禁。有司病之。郭公甫下車。即委經文會勘繪圖中。覆略如前議。郭公既得旨允行。因令經文領其事。未幾訖工。自是滇黔驛使通行無礙。而諸爲奸利者失其故穴。潰然解散。官民以甯經文之言曰。利不百不變法。功不什不易器。茲所變易。其爲利奚啻什百而已。事便於國。宜令後來知成之。之不易。增修以時一也。造謀決策。厯有主者。不才以下吏奉行。功非由已。不嫌自炫二也。荷今上厚恩。昭雪前過。雖復臚陳顛末。無畏於人之多言三也。合此三者。固不可以無記。余以其事鉅而心平。故樂爲之書。是役也由安順所屬之鎮寧州白水河迤北取

此段補出新路里數丈尺記文○正

道而入。二十三里至坡貢。五十里至鄧岱。四十里永安。又三十里
爲毛口河。卽西林渡。渡河而南。四十三里。罐子窰。自罐子窰西折。
三里至松歸山。又二十八里至陽松。三十一里劉官屯。二十三里
海子鋪。至是與故道會。凡二百有五十餘里。所鑿山徑。凡四萬八
千丈。去頑石二千六百有二十丈。開打鐵石關。三百六十有四丈。
鑿石街萬五千丈。堤三道。凡三千有七丈。建守備官衙一所。營汛
署五。塘坊二十二。營房一百八十八間。驛署六。橋梁八十二。渡船
四。費帑萬五千兩有奇。經始於雍正七年八月初七日。落成於八
年三月初三日。佐理者爲知縣清鎮縣張世昌。

如許大役用帑金不過萬五千兩而且被讒此先生之所以歎
也妙在前引兩證婉切中正復得體

重修安吉州學記

代州牧劉君薊植

乾隆六年余奉朝命來官是邦。入境之始。齋沐謁先師廟。周視殿庭堂廡。及左右廡舍。前後繚垣。多有傾圯損壞者。志節倖以修之。顧邑當天目之麓。數被水患。而山田奇零。高下盤綴。主者或不自省。記多忿爭訟牒。日至窮年。事奔走。惟賑恤之急。少間。卽坐廳事。與父老寬譬切誡。或至夜分不休。名爲山陬。實可抵一大郡。每當春秋丁祀。惕然在目。未嘗不歎所志之未暇以爲也。居數年。與吏民益習。稍趨簡易。耆紳宿儒。或以文字相往來。余因創設書院。聘碩師課後來之秀者。風氣駿駿日上。旣而歎曰。凡事必有待而

後舉則有終其身不得爲一事者矣。夫貧民之不可驟富，瘠土之不可驟饒，飲食睡眠之訟之不可驟息，此人情所易明也。而文書之疏數，宦路之去來，又未可以意爲料也。古之人當干戈搶攘之際，猶披荆棘，陳俎豆，修車服之容，舉鄉飲之禮，以爲此代理之原，不可不肅。況余幸際昇平，身名清泰，歲入足以活妻子，餘餐足以飽童僕，又蒞事日久，人無壅情，文雅勃興，盜賊衰息，如此而猶以不暇爲辭，是向所謂欲爲者徒妄語耳。且將何以謝古人示來者哉？歲在丁卯月日，爰召工人料材木具丹青，一切搏埴之工，舂錘之役，尅期並舉。仆者以起腐者以更黯者以光漏者以蓋闕

者以補廢者以復。既竣事。偕學官及諸紳士。爲釋菜之奠。傳觴而落之。嗚呼。其足以肅觀瞻。表新美矣。學官姓童氏。名培。人紳士某某等。是役也。予雖爲倡。而兼藉諸君子之力。故備書之。俾後之同志者。得以覽焉。

祇暢寫其有志竟成。不敢自暇之故。而於論學。不插一語。所以避熟。

。上尙書孫懿齋先生書

兆崙頓首。按十月之交。雨無正。小旻。小宛。四章。序以爲刺幽王。箋以爲刺厲王。鄭意徒以舊本十月一篇在正月上。宜作厲王。遂坐毛以移經改序。此非定論。厲王無艷妻。燭方處事。故王肅皇甫謐皆不然之。今補註從序是矣。小宛。小旻。雖不實指爲何代。而精微曉暢。前所未有。尤可息毛鄭兩家之訟。雨無正。定爲平王。此卽鄭詩譜凡例。別嫌明微。以本文爲主之義。觀詩中周宗旣滅。大夫離居。以及戎戍不退。遷於王都。明白如話。據以爲東遷時詩。甚確。序之繫以幽王。或因前後三篇皆屬刺幽。順撫及之。抑或東遷之

舉自幽胎禍云爾凡經解宜從其近古者傳不得與序抗鄭不得與毛抗惟據本文以正序之失而序不得辭何者序固後於經也雨無正之定爲平王可以質諸尼父而不謬矣若雨無正題篇之文則殊不可曉序云雨自上下者也眾多如雨而非所以爲正也此卽先儒所謂大小毛公及衛宏輩增入之語非國史舊題其說支離牽合如此類者多不足信所謂求其說至紆迴而難通者顧自秦火以還墳典之脫誤不少旣求其說而不得矣幸得見於他書而其書又非晚出有可徵信且讀書於千載之下非如漢經師之各守一家仇其所異庸忍以不列學宮而遂棄之元城劉氏謂

韓詩篇首多雨無其極傷我稼穡二句。朱子謂其說似有理。徒以第一二章皆十句。增之則長短不齊。非詩之例而止。嘗以此繩之。他什頗不相應。卽如沔水三章。末一章獨短。長發七章。首章八句。二章至五章皆七句。六章九句。似此參錯。皆可而獨不許此多二句。謂非例乎。且從韓有無可疑者。四正月繁霜。日有食之。雨無其極。篇第相屬一也。雨無其極。傷我稼穡。浩浩上天。不駿其德。降喪飢饉。斬伐四國。文義與音皆相從二也。古文極與亟通。見荀子賦論。反復甚極。注亟與正形與類。甚於已亥之近三豕三也。而句讀長短不齊。復有其例四也。朱子雖不從其說。然猶存其說於題下。

但不入集注正文爲有憾耳。論語誠不以富亦祇以異錯簡可易。易傳不喪七鬯落句可增皆本程子之說而况古也。願及初稿未上俯聽末辭。根據韓詩參微史籀正名脫誤於理爲長合之紬繹本文雅排訓故兼斯二者庶於說此詩益無遺議。兆崙職忝分校敢不盡愚惟先生存念百一。加裁擇焉兆崙謹頓首再拜。此修詩義折中時所上書也明白如此而孫尙書不能從卒主改爲兩無正人之臆說亦可云通人之一蔽矣。

○上鄂相國書

兆崙頓首再頓首謹奉書相國座前昨奉 旨發議尙書孫公請
開酒禁一疏蒙虛衷下詢在座多以孫公故違成命爲笑夫成命
卽不可違

聖主何爲發議先生又何爲不自定議而詢及眾人 主不自聖
大臣休休此正羣策盡愚之日也兆崙位卑晚進不敢於眾中昌
言退而有疑豈容終隱輒就所見昧陳如左向聞尊誨云弊中有
利利中有弊爲地方大吏者毋輕言興利除弊老謀至計嘗流連
於心不能忘竊見尙書孫公所奏開燒鍋一事其言實有類於是

先生奈何怪之深也。孫公以高粱祇堪供造酒之用。從已禁止後。推論其弊。謂於生計有損。此說誠爲過當。夫使果重其罰而立致其效。則家有蓋藏。巷無羣飲。豈非爲治者之至願。而無纖毫之弊哉。若兆崙愚見。所慮者在萬萬不能禁止耳。何也。天下承平日久。狃于休養之樂。彼安知耗穀之患。而但以爲大欲所在。日用之常。故聚賭私鑄之奸。未必人人能之。時時爲之。造酒則事習而工省。毋論資本多寡。皆可隨分收息。故曰禁止爲難。嘗於公車往來。經齊魯燕趙間。五里十里之堠。三家四家之村。曠蕩蕭條。一無所有。惟燒酒雞卵。則家蓄而戶累焉。其寒冬置子于懷。兩人合衣而下。

無襦袴者。殷戰而顏酤。非一人也。至於縛草爲亭。呼客駐馬。招之立。應歎然。探囊何者。酒不費多錢。而溫如扶繡。故也。其他赤脚老嫗。裸體童男。扶路叫號。一錢莫與。所闕于亭中。人生計不過數升。而卽已狼狽若此。夫此村垓之民。豈皆有力。能爲燒鍋者哉。而旣禁燒鍋。則獨能恕於此輩。瓶盎中物。乎捨之。則法不行。禁之則未。之○故○此○則○節○有安置此輩之所。而此輩固滿於齊魯燕趙間矣。若其有力之家。業於是者。寬游其生。於平日驟峻其法。於一時其勢不出於抵死。觸禁不止。而此抵死觸禁之人。又滿於河北五省中矣。夫弊有積重。而不可返。利有至美。而難以興者。前言旣有明徵。此事不宜獨

異也。尚書慮之於禁止之後。以利爲害。未免愈辨而愈拙。崙慮之於甲禁之時。未有利而先見害。似宜一思而再思。方今君相一德。動發幣金。數逾鉅萬。一切賑濟。蠲免不煩再計。尤加意近畿各道。屢訊疾苦。此時民氣和樂。自不待言。似不宜求治過急。而稍損其樂生之心。或更需之數年以後。使凋敝日起。則民氣固而令無不行也。以上所列。聊備輿誦。伏惟鈞裁。而賜以訓示焉。

酒禁之議。發自方侍郎苞。而孫文定公奏疏極排之。可謂慷慨淋漓。此更約以微言。較有雅人深致。